

ՔԱՂԱՔԱՅԻԱԻՐԱՎԱԿԱՆ ՊԱՅՄԱՆԱԳԻՐ

ք. Վանաձոր

«15» 12 2020թ.

«Վանաձորի թիվ 3 պոլիկլինիկա» ՊՓԲԸ-ն, այսուհետ՝ «Պատվիրատու», ի դեմս տնօրեն Արտակ Եղոյանի, որը գործում է կանոնադրության հիման վրա, մի կողմից, և Գևորգ Առաքելյանը, այսուհետ՝ «Կատարող», մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Կատարողը պարտավորվում է Պատվիրատուի հանձնարարությամբ կատարել ջեռուցման համակարգի խողովակների նորոգման աշխատանքները: Պատվիրատուն պարտավորվում է ընդունել աշխատանքի արդյունքը և վարձատրել դրա համար:

2. Պատվիրատուի միջոցներով աշխատանքները կատարելը

2.1. Աշխատանքները կատարվում են Պատվիրատուի նյութերով և միջոցներով:

2.2. Պատվիրատուն պատասխանատվություն է կրում իր տրամադրած նյութերի և սարքավորումների որակի համար:

3. Կողմերի իրավունքները և պարտականությունները

3.1. Պատվիրատուն իրավունք ունի՝

3.1.1. ցանկացած ժամանակ ստուգել Կատարողի կողմից իրականացվող աշխատանքի ընթացքը և որակը՝ առանց միջամտելու վերջինիս գործունեությանը;

3.1.2. հրաժարվել պայմանագիրը կատարելուց և պահանջել հատուցելու դրանով իրեն պատճառված վնասները, եթե Կատարողը ժամանակին չի սկսում սույն պայմանագրի կատարումը կամ աշխատանքը կատարում է այնքան դանդաղ, որ դրա ժամանակին ավարտը դառնում է ակնհայտ անհնար:

3.1.3. եթե աշխատանքի կատարման ժամանակ ակնհայտ է դառնում, որ այն պատշաճ չի կատարվելու, ողջամիտ ժամկետ նշանակել Կատարողի թույլ տված թերությունները վերացնելու համար և եթե այդ ժամկետում Կատարողը չի վերացնում թերությունները՝ հրաժարվել պայմանագրից և Կատարողի հաշվին թերությունների վերացնելը հանձնարարել այլ անձանց, ինչպես նաև պահանջել հատուցելու վնասները;

3.1.4. մինչև աշխատանքի արդյունքն իրեն հանձնելը, ցանկացած ժամանակ հրաժարվել սույն պայմանագիրը կատարելուց՝ Կատարողին վճարելով մինչև պայմանագրի կատարումից հրաժարվելու ծանուցումն ստանալու պահը կատարված աշխատանքին համարժեք գինը և հատուցել նրան պատճառված վնասները;

3.1.5. աշխատանքի արդյունքի թերությունների հետ կապված պահանջներ ներկայացնել, եթե դրանք հայտնաբերվել են ՀՀ քաղաքացիական օրենսգրքի 722 հոդվածում սահմանված երաշխիքային ժամկետում;

3.1.6. առանց կատարված աշխատանքը վարձատրելու, ինչպես նաև վնասները հատուցելու, պահանջել լուծելու սույն պայմանագիրը, եթե Կատարողից ստացած ոչ հավաստի

տեղեկատվության հետևանքով կնքվել է այնպիսի աշխատանքի կատարման պայմանագիր, որը չունի Պատվիրատուի նկատի ունեցած հատկությունները:

3.1.7. աշխատանքի արդյունքն ընդունելու կամ այն օգտագործելու ժամանակ ՀՀ քաղաքացիական օրենսգրքի 723 հոդվածով սահմանված ժամկետում, իր ընտրությամբ, Կատարողից պահանջել՝

- ա/ ողջամիտ ժամկետում անհատույց վերացնելու թերությունները;
- բ/ համաչափորեն նվազեցնելու աշխատանքի համար սահմանված գինը;
- գ/ հատուցելու թերությունների վերացման համար իր կատարած ծախսերը;

3.1.8. աշխատանքի արդյունքում, այն ընդունելուց հետո՝ մեկ տարվա ընթացքում, Պատվիրատուի կամ այլ անձանց կյանքին կամ առողջությանը վտանգ սպառնացող թերությունների հայտնաբերման դեպքում պահանջել անհատույց վերացնելու այդ թերությունները կամ վերադարձնելու աշխատանքի համար վճարված գնի մասը կամ հատուցելու իր կամ այլ անձանց ուժերով թերությունները վերացնելու կապակցությամբ կատարված ծախսերը:

3.2. Պատվիրատուն պարտավոր է՝

3.2.1. աշխատանքները կատարելիս աջակցել Կատարողին սույն պայմանագրով նախատեսված դեպքերում, ծավալով և կարգով;

3.2.2. աշխատանքի կատարման համար, սույն պայմանագրի ստորագրման պահից սկսած հինգ օրվա ընթացքում, Կատարողին հանձնել աշխատանքի կատարման համար անհրաժեշտ փաստաթղթերը;

3.2.3. ժամանակին վճարել Կատարողի աշխատանքի համար՝ սույն պայմանագրի պայմաններին համապատասխան;

3.2.4. սույն պայմանագրով նախատեսված ժամկետում և կարգով՝ Կատարողի մասնակցությամբ գննել և ընդունել կատարված աշխատանքը/դրա արդյունքը/, իսկ պայմանագրից աշխատանքի արդյունքը վատթարացնող շեղումներ կամ աշխատանքում այլ թերություններ հայտնաբերելու դեպքերում՝ այդ մասին անհապաղ հայտնել Կատարողին;

3.2.5. աշխատանքն ընդունելուց հետո, աշխատանքի արդյունքում պայմանագրից այնպիսի շեղումներ կամ թերություններ հայտնաբերելու դեպքում, որոնք չէին կարող հայտնաբերվել ընդունման սովորական եղանակի ժամանակ/թաքնված թերություններ/ ներառյալ՝ այնպիսիք, որոնք Կատարողը թույլ է տվել դիտավորյալ, դրանք հայտնաբերելուց հետո՝ ողջամիտ ժամկետում այդ մասին հայտնել Կատարողին:

3.3. Կատարողն իրավունք ունի՝

3.3.1. կատարված աշխատանքի արդյունքն ստանալու համար Պատվիրատուի չնեյկայանալու կամ այն ընդունելուց խուսափելու դեպքերում Պատվիրատուին գրավոր զգուշացնել և զգուշացման օրվանից՝ երկու ամիս անց վաճառել աշխատանքի արդյունքը, իսկ ստացված գումարը, իրեն հասանելիք վճարները պահելուց հետո, ՀՀ քաղաքացիական օրենսգրքի 266 հոդվածով սահմանված կարգով մուծել նոտարի կամ դատարանի դեպոզիտ;

3.3.2. Պատվիրատուի համաձայնությամբ ժամկետից շուտ հանձնել սույն պայմանագրի 1.1 կետում նշված աշխատանքը:

3.4. Կատարողը պարտավոր է՝

3.4.1. մինչև սույն պայմանագրի կնքելը, Պատվիրատուին անհրաժեշտ և հավաստի տեղեկատվություն տրամադրել առաջարկվող աշխատանքի, դրա տեսակների և առանձնահատկությունների, գնի և վճարման ձևի մասին, ինչպես նաև Պատվիրատուի ցանկությամբ նրան հաղորդել աշխատանքին վերաբերող այլ տեղեկություններ:

3.4.2. աշխատանքն սկսել անհրաժեշտ փաստաթղթերն ստանալու պահից ոչ ուշ, քան 1 (ՄԵԿ) օրվա ընթացքում;

/թվերով և տառերով/

3.4.3. աշխատանքը կատարել իր ռիսկով;

3.4.4. աշխատանքի ընթացքը կամ աշխատանքը հետագայում շարունակելը դանդաղեցնող իրավիճակների առաջացման դեպքում անմիջապես տեղյակ պահել Պատվիրատուին;

3.4.5. Պատվիրատուի պահանջով անհատույց վերացնել աշխատանքի թերությունները;

3.4.6. աշխատանքն ավարտել ոչ ուշ, քան մինչև « 24 » շեկտեմբեր 2020թ. :

3.4.7. աշխատանքի արդյունքը Պատվիրատուին հանձնելիս նրան հայտնել այն պահանջների և կանոնների մասին, որոնց պահպանումն անհրաժեշտ է աշխատանքի արդյունքի արդյունավետ և անվտանգ օգտագործման համար, ինչպես նաև տեղեկություններ հաղորդել այդ պահանջները և կանոնները չպահպանելու հնարավոր հետևանքների մասին:

4. Աշխատանքի գինը և վարձատրությունը

4.1. Աշխատանքի գինը որոշվում է կողմերի փոխադարձ համաձայնությամբ և կազմում է 78000 (յոթանասուներեք հազար) ՀՀ դրամ:

4.2. Աշխատանքի գինը կայուն է, և Կատարողն իրավունք չունի պահանջել ավելացնելու, իսկ Պատվիրատուն՝ նվազեցնելու այդ գինը:

4.3. Եթե Կատարողի փաստացի ծախսերը պակաս են այն գումարից, որը հաշվի է առնվել աշխատանքի գինը որոշելիս, Կատարողը պահպանում է նախկին պայմաններով նախատեսված վարձատրություն ստանալու իրավունքը, եթե Պատվիրատուն չի ապացուցում, որ Կատարողի կատարած խնայողությունն ազդել է աշխատանքի որակի վրա:

4.4. Պատվիրատուն պարտավոր է սույն պայմանագրի 4.1 կետում սահմանված գինը Կատարողին վճարել աշխատանքի արդյունքներն ընդունելուց հետո, եթե աշխատանքը կատարված է պատշաճ որակով, սույն պայմանագրով սահմանված ժամկետում կամ ժամկետից շուտ՝ Պատվիրատուի համաձայնությամբ:

4.5. Սույն պայմանագրի կատարման կապակցությամբ Կատարողին հասանելիք՝ 4.1 կետում սահմանված գինը վճարելու պարտականությունը Պատվիրատուի կողմից չկատարվելու դեպքում Կատարողն իրավունք ունի պահել աշխատանքի արդյունքը մինչև Պատվիրատուն կվճարի համապատասխան գումարը:

5. Կողմերի պատասխանատվությունը

Սույն պայմանագրով իրենց պարտավորությունները չկատարելու կամ անպատշաճ կատարելու դեպքում կողմերը պատասխանատվություն են կրում ՀՀ օրենսդրությամբ սահմանված կարգով:

6. Անհաղթահարելի ուժ (Ֆորս-մաժոր)

Սույն պայմանագրով պարտավորություններն ամրոջությամբ կամ մասնակիորեն չկատարելու դեպքում կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. Վեճերի լուծման կարգը

Պատվիրատուի և Կատարողի միջև աշխատանքի թերությունների կամ դրանց պատճառների հետ կապված վեճ առաջանալու դեպքում ցանկացած կողմի պահանջով նշանակվում է փորձաքննություն: Փորձաքննության ծախսերը կրում է Կատարողը, բացառությամբ այն դեպքերի, երբ փորձաքննությամբ հաստատվում է Կատարողի գործողությունների և հայտնաբերված թերությունների միջև պատճառահետևանքային կապի

բացակայությունը: Նշված դեպքերում փորձաքննության ծախսերը կրում է փորձաքննություն պահանջած կողմը, իսկ եթե փորձաքննությունը նշանակվել է երկու կողմերի համաձայնությամբ, ապա ծախսերը նրանց միջև բաշխվում է հավասարաչափ:
Համաձայնություն ձեռք չբերելու դեպքում վեճերի լուծումը հանձնվում է

_____ /դատարանի քննությանը:

8. Պայմանագրի գործողության ժամկետը

Սույն պայմանագիրն ուժի մեջ է մտնում կողմերի կամ նրանց լիազոր ներկայացուցիչների կողմից ստորագրվելուց հետո և գործում է մինչև «30» դեկտեմբեր 2020թ.:

9. Այլ պայմաններ

Սույն պայմանագիրը կնքված է հայերեն լեզվով երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

10. Կողմերի հասցեները, բանկային վավերապայմանները և ստորագրությունները

Պատվիրատու

Գատարող

«Վանաձորի թիվ 3 պոլիկլինիկա» ՊՓԲԸ
ՀՀ, ք. Վանաձոր, Պ. Սևակի 49
«ԱԿԲԱ-Կրեդիտ Ագրիկոլ բանկ» ՓԲԸ
ՀՀ 220055140267000
ՀՎՀՀ 06907229

Գևորգ Առաքելյան
ՀՀ, ք. Վանաձոր, Գ. Ղևոնդյան 96-6/39
հեռ.
Անձնագիր - AT 0504444
Տրված 18.06.2020թ., 018 կողմից



Ս. Եղոյան

Գ. Առաքելյան